

畿輔通志卷三十

表十五 職官六

國朝一 直隸統部 順天府尹 府丞 四路廳同知 諸道 知府

直隸州知州

國朝

總督

正二品加尚書銜從一品

直隸一人駐保定府順治五年設直隸出

東河南三省總督一人駐大名府十六年改三省總督爲直

隸巡撫仍駐大名十七年巡撫移駐正定十八年復設直隸

總督於大名康熙四年裁直隸總督仍設三省總督駐大名

府八年裁三省總督巡撫自正定移駐保定府五十四年直

隸巡撫加總督銜仍管巡撫事雍正二年陞直隸巡撫爲總

督仍駐保定府巡撫不復設矣乾隆二十八年令兼巡撫事

雍正

提督學政初制各省設督學道帶按察使僉事銜康熙朝凡順天江南浙江三省缺以侍讀侍講諭德洗馬中允贊善等官簡用餘省以部郎及參議道知府爲之凡由翰林科道出身者卽爲學院由部屬出身者則爲學道雍正四年定制各省督學皆改爲提督學政去按察使副使僉事銜其以部屬簡任者依出身甲第各加翰林院編修檢討銜

欽定歷代職官表

鹽政長蘆一人駐天津府

國初承明制置巡視長蘆鹽課御史一員巡視鹽課後定爲鹽政由

特旨簡充其由都察院奏差者均各帶原銜品級亦以鹽政名之由內務府官員簡充者仍帶御史銜咸豐十年恭親王等奏請將長蘆鹽政暫行停撤歸直隸總督管理以一事權經戶部

議準將印信歸直督兼管永爲定制

採訪冊

謹案邸抄咸豐十年十二月戶部議覆恭親王等奏請長蘆鹽政暫行裁撤歸直隸總督管理以一事權奉

上諭諭前因恭親王奕訢奏請將長蘆鹽政一缺裁撤歸直隸總督兼管當交戶部議奏茲據奏稱長蘆鹽政歸直隸總督統轄可期全綱整飭等語長蘆鹽政一缺著卽裁撤所有督辦課運事宜統歸直隸總督管理卽著恆福會同崇厚將正雜已收未收各款逐細盤查交代清楚其餘未盡事宜著該督詳細妥議具奏嗣後長蘆鹽務是其專責著卽督飭運司認真經理於應支正雜課款及各衙門帑利官租等項銀兩實力催征完解務期年清年款不得稍有蒂欠欽此

咸豐十年奏裁長蘆鹽政一缺改設三口通商大臣駐劄天

津管天津關兼轄東海山海兩關道同治九年工部尙書毛
昶熙奏請奉裁是缺改設津海關道管理中外交涉事件其
通商大臣事宜歸并直隸總督兼管同上

謹案邸抄咸豐十年恭親王奕訢等奏辦理通商善後章
程原摺內稱天津一口距京甚近各國在津通商若無大
員駐津商辦尤恐諸多窒碍擬請於牛莊天津登州三口
設立辦理通商大臣駐紮天津專管三口事務直隸爲
畿輔重地督臣控制地方不能專駐天津而藩臬兩司各有專
職亦未便兼理其事擬仿照兩淮等處之例將長蘆鹽政
裁撤歸直隸總督管理其鹽政衙署養廉卽撥給通商大
臣不必另議添設以節經費舊管關稅一併歸通商大臣
兼管並請

頒給辦理三口通商大臣關防仍準酌帶司員數員以資襄辦遇有要事準其會同三省督撫府尹商同辦理嗣經惠親王等議准覆奏奉

旨俞允以侍郎銜候補京堂崇厚著爲辦理三口通商大臣駐紮天津管理牛莊天津各口通商事務同治九年裁并歸直督兼管

承宣布政使司布政使直隸一人從二品駐保定府初以直隸近在

畿甸不設藩司以口北道兼山西布政使銜康熙八年增設直隸守道一人總司錢穀雍正二年改爲布政使其屬有經歷

一人理問一人恆裕庫大使一人欽定歷代職官表

提刑按察使司按察使直隸一人正三品駐保定府初以直隸

近

畿甸不設臬司以大名巡道兼河南按察使銜通永天津道俱

兼山東按察使銜霸昌井陘道俱兼山西按察使銜康熙八

年增設直隸巡道一人總理刑名三十八年省井陘道雍正

二年改直隸巡道爲按察使其屬有經歷一人司獄一人上

都轉鹽運使司鹽運使長蘆一人從三品駐天津府督察一切

鹽務事皆聽於鹽政及兼理鹽政之督撫其佐天津分司運

同一人薊永分司運判一人其屬廣積庫大使一人經歷知

事各一人小直沽批驗所大使一人長蘆批驗所大使一人

鹽課大使八人長蘆初轄十場道光十二年裁興國場歸併

豐財場兼管裁富國場歸併天津縣管理今轉越支濟民海豐蘆臺豐初係揀員委署並無實缺乾隆四

十三年以後定爲實缺

皇朝文獻通考

謹案長蘆鹽法志舊設青州分司運同一人滄州分司運判一人乾隆四十六年巡鹽御史伊齡阿奏青州分司駐劄天津而名爲青州無所取義請改青州運同爲天津分司運同滄州分司運判一缺康熙十七年裁并於青州分司巡鹽御史劉安國奏請復設雍正十年以青州分司所轄各場道路寫遠運同不能親往掣摯巡鹽御史鄂禮奏請增設一人移天津府鹽捕通判駐越支場專司鹽務換薊永掣摯通判關防乾隆四十二年運使秦鏞請改薊永掣摯通判爲薊永分司運判向駐越支場宋家營後移駐滄州其滄州分司運判管轄事宜後歸并天津分司兼管今薊永分司運判仍駐滄州天津鹽捕通判一缺道光二十一年裁

順天府府尹漢人一人

正三品

丞漢人一人

正四品

尹掌

京畿治理凡田賦出納之政以時勾稽會直隸總督而上其要於戶部凡師行則主和僱民車歲以立春前一日率僚屬迎春東郊遂進春於

宮門退而頒春於民間以勸東作

耕藉則具耒耜絲鞭實青箱以種稭奉之以從鄉試則充監臨丞掌學校之政令歲科二試則錄其童生而送於學政八旗及順天府四路州縣童生由府丞府考後送順天學政考取入學以時教養其士鄉試則充提調官以佐尹而經理之員額俱順治年間定雍正元年以來以部院大臣兼管府事皆由尙書侍郎內

特簡無定員其屬治中一人糧馬通判一人滿漢教授訓導各二人

經歷照磨司獄各一人崇文門副使一人大興宛平二縣知

縣各一人

歷代職官表

謹案會典乾隆三十八年吏部議準順天府府尹府丞缺出凡直隸人員概以聲明扣除又嘉慶五年奏準府丞缺出漢軍人員一體回避初府丞兼提督學政銜乾隆五十八年議準順天現設學政府丞僅止申送所屬州縣童生其入學仍歸學政辦理無庸兼提督學政銜又案職官表順天府初止轄大興宛平二縣康熙十五年始以昌平良鄉等州縣併隸順天府今所屬自大宛以外凡州縣二十有五設東南西北四路同知以分領之皆兼統於直隸總督復

特簡大臣兼管府事以重其任

清河道本大名道雍正四年直隸興修水利分諸河爲四局
專官管轄以便稽查裁大名道改設清河道一人移駐保定
府管轄苑家口以西各淀及

畿南諸河十一年改轄保正二府易冀趙深定五直隸州仍管
河務所屬管河同知通判並管河各官均歸管轄駐保定府

雍正
志

謹案會典清河道屬舊設霸州清河吏目一員豬龍河管
河通判一員保定府清河同知一員後俱裁

熱河道乾隆五年設轄口外熱河等處地方並一府六州縣

駐劄承德府

採訪
冊

謹案乾隆三年直隸總督孫嘉淦擬請口外設道疏內稱
查承德州八溝四旗及喀喇沁三旗地方綿亘數千里設

有承德州知州一員熱河同知八溝同知二員四旗通判一員沿邊布列但職守相等無所統攝雖隸霸昌道所屬而該道駐口內遠隔重關勢難遙制遇有解審案件往返不無拖累且熱河武弁現設有副都統總管副將等皆係大員而文職不過同知以下品職相懸未能接洽不無牽制掣肘之虞且同知等官不能兼轄武弁遇有巡查緝拿等事往往呼應不靈再喀喇沁等處種地民人日多於前八溝承德等處事務日益殷繁將來綏輯兵民經理地方尙須籌畫而無文職大員料理難以商酌舉行據臣愚見似應於古北口外沿邊一帶地方添設兵備道一員於承德州駐劄將熱河等處同知知州通判等員俱歸統轄其兵馬錢糧卽令該道經管其都司守備等賢否俱令稽查

察核如此則文武兵民事權歸一呼應更靈易於振飭一切解審事件俱可就近歸結以省拖累而將來經理城垣倉庫緩輯外藩通商便民之政亦可次第舉行五年遵

旨會議準於古北口外添設熱河兵備道一員駐承德州

乾隆四十年改爲

府

通永道本通薊兵備道康熙八年以永平道來併改爲通永道雍正四年直隸興修水利改通永河道總理北運河一局十一年復爲通永道轄永平通薊道等處仍管河務所屬北運河同知通判並管河各官均歸管轄其屬有通濟庫大使一人均駐通州

同上

謹案雍正四年改通永河道原設北運河務關同知一員北運河楊村通判一員薊州糧河通判一員武清縣要兒

渡縣丞一員東楊村主簿一員灤州州判一員玉田縣丞一員豐潤縣主簿一員分管河務此設通永河道之初制也

霸昌道本霸易昌平二道康熙七年改爲霸昌道初轄順天府屬大宛等十九州縣雍正四年通永道改爲河道兼轄通薊等九州縣所十一年通永道改還舊制將通薊九州縣所仍歸通永道管轄今只轄大宛等十九州縣兼管古北居庸各關口事務其屬有居庸關稅課大使一人均駐昌平州志

謹案會典霸昌道初轄直隸承德一州乾隆四十二年升承德爲府隸熱河道不歸霸昌道管轄

天津兵備道順治初設雍正四年直隸興修水利改爲河道

管理南運河與臧家橋以下之子牙河苑家口以東淀河等處增設局員分管河務十一年復爲天津巡道轄河間天津二府仍管河務所屬南運河津軍河間河捕同知並管河各官均歸管轄駐天津府同上

謹案雍正四年改天津道爲河道原設廳員二員天津縣丞一員青縣主簿一員子牙河主簿一員分管河務此天津河道之初制也

津海關道同治九年工部尙書毛昶熙奏請裁撤通商大臣新設津海關道專管中外交涉事件及新鈔兩關稅務仍駐

天津府

採訪冊

謹案同治九年裁撤通商大臣添設津海關道原爲各國通商改設是缺如遇有中外交涉事件該關道與各國領

事官會商妥辦若事關重大或關道與領事官意見不合始稟請督臣核示飭辦蓋顯示以昭條約卽隱藉以維體制也凡直隸一省交涉洋人事件統歸關道管理其附近地方如天津永平遵化順天所屬沿海各州縣均歸關道專轄至沿海各口岸稅務有本歸該處州縣經管者仍照舊稽徵其距海較遠各府州縣定爲關道兼轄遇有交涉事件地方官就近通稟各該管上司批飭核辦辦結後并報關道查核其專轄府州縣尋常命盜案件仍照舊辦理毋容由關道核轉惟交涉事件稟詳關道核辦兼轄府州縣凡遇通商事務準由關道檄飭遵辦其體制仿照山海關道之例準充督臣海防行營翼長各營自都守以下均受鈐轄復請

敕部頒給關防以昭信守文曰辦理直隸地方通商事務兼管海防
兵備道遇有關涉地方洋務及海防事宜均鈐用之又另
照南北各海關章程刊換監督直隸津海關稅務關防專
爲新鈐兩關事務而設其前用監督關防只稽徵鈔關稅
務今已繳銷

大順廣道順治初設轄順德廣平大名三府康熙八年不稱
兵備道雍正四年改爲清河道移駐保定府十一年復設兵
備道仍轄順德廣平大名三府兼管河務所屬管河同知並
管河務各官均歸管轄駐大名府

雍正志

口北道仍明制順治初列銜山西康熙三十二年改銜直隸
整飭宣化等處統轄張獨多三廳專管錢糧刑名命盜等案
并口外臺站盤費及北路一切軍需錢糧支放之事駐宣化

府宣化
府志

謹案康熙三十九年吏部等衙門會議直隸各省督撫題
裁閒冗官員直隸井陘道口北道應照該撫所題裁汰得
旨口北道不必裁餘依議

永定河道康熙年間設渾河南北岸分司各一員雍正元年
罷南岸分司命北岸兼管四年直隸興修水利以永定河爲
一局裁分司缺改設永定河道一人總理渾河駐固安縣增
設局員分管河務今管轄三同知兩通判文汎二十員武汎
一員永定河志

謹案永定河道管轄石景山同知一員雍正八年設今駐
蘆溝橋拱極城內

防汎駐北二南岸同知一員
康熙四十年設雍正元年
兼管北岸同知事十一年仍

工上汎地面專管南岸向駐固安縣東門外今駐西門內南岸
備衙署改爲南岸同知署防汎駐南二工金門閘北岸